

**KANTONALNA
PRIVREDNA
KOMORA TUZLA**

**BROJ 4-6/25,
april-juni
2025. godine**



KOMORSKI INFORMATOR



Implemented by



In cooperation with

KANTONALNA PRIVREDNA KOMORA TUZLA
CHAMBER OF ECONOMY OF TUZLA CANTON
KANTONALE WIRTSCHAFTSKAMMER TUZLA

UNAPREĐENJE I PROMOCIJA DUALNO ORGANIZOVANOG STRUČNOG OBRAZOVANJA U TUZLANSKOM KANTONU



**PRIVREDA TUZLE U
ZAGREBU**



**UVJERENJA ZA JOŠ 18
MENTORA PRAKTIČNE
NASTAVE**



**TURSKI PRIVREDNICI SA
PRIVREDNICIMA TK**



**PRIVREDA TK
NA SAJMOVIMA
BEOGRADSKOG SAJMA**

Komorski informator


Uvod

Poštovani čitaoci!



Drugi kvartal 2025. godine donio je mnogo više aktivnosti nego je bilo očekivano, na zadovoljstvo i uposlenih u Komori a nadamo se i firmi članica Komore kojima se trudimo biti dobar i kvalitetan servis.

Ponovo su u fokusu su bile aktivnosti na realizaciji dvogodišnjeg projekta „Unapređenje okvira za integraciju dualno organizovanog obrazovanja u Tuzlanskom kantonu“ koji za cilj ima unapređenje saradnje škola za srednje stručno obrazovanje i obuku i poslovnih subjekata u Tuzlanskom kantonu i sistemski pristup za uvođenje elemenata dualno organizovanog obrazovanja. Realizovana je četvrta obuka Mentora praktične nastave kod poslovnih subjekata u Tuzlanskom kantonu. Obuku su zajednički realizovali Pedagoški zavod i Komora. Cilj obuke je stvoriti što veću bazu mentora za rad sa učenicima u privredi, osposobiti mentore u dijelu pedagoško-didaktičkih kompetencija, a istovremeno unaprijediti kvalitet praktične nastave generalno. Na kraju, održana je svečana dodjela Uvjerenja o uspješno završenoj obuci mentora praktične nastave za još 18 polaznika iz poslovnih subjekata Tuzlanskog kantona.



Kada su u pitanju sajamske aktivnosti, firme članice Komore bile su prisutne na brojnim sajmovima. Istovremeno je Beogradski sajam održao dvije manifestacije: 49. Međunarodni sajam građevinarstva „SEEBBE 2025“ i jubilarni 30. Međunarodni sajam hortikulture “BeoPlant Fair 2025”. Tradicionalno, bili smo sastavni dio i 23. po redu tradicionalne turističko/privredne manifestacije Sajam „LIST“ u Lukavcu. Održan je i 2. Međunarodni Sajam kafe i čokolade, koji je tokom tri dana trajanja privukao oko 18.000 posjetilaca iz cijele Bosne i Hercegovine i regije.

I ovdje se ne zaustavljamo. Vrijeme pred nama donosi nam organizaciju nastupa na sajmovim u Gradačcu, Modriči, Bihacu, Tešnju, dva puta u Sarajevu kada je riječ o sajmovima u Bosni i Hercegovini. U regionu, do kraja godine planiramo nastupe na sajmovima namještaja u Beogradu i Zagrebu a učinit ćemo napore i da od ove godine postavne sastavni dio sajma turizma u Novom Sadu. Sve sa zajedničkom sajamskom postavkom pod nazivom „Privreda TK“.

Bilježimo u drugom kvartalu posjetu turske privredne delegacije, niz informacija vezanih za privredna kretanja u zemlji, novosti iz Centralnog grijanja Tuzla, iz Vlade Tuzlanskog kantona, vezanih za događanja u Komori i kod firmi članica.

Na kraju, posebna preporuka jeste informacija o organizovanju jedne značajne privredne manifestacije. Naime, Na inicijativu Veleposlanstva Bosne i Hercegovne u Republici Hrvatskoj a u saradnji sa Gradom Tuzla i Turističkom zajednicom Grada Tuzle, Kantonalna privredna komora Tuzla je organizovala privrednu manifestaciju “Dan Tuzle u Zagrebu”.

I ovo izdanje Komorskog informatora donosi zanimljive priče, vijesti, daje dovoljno dobre razloge da odvojite vrijeme i da ga pročitate.

Dino Kalesić
gl. i odg. urednik



Komorski informator

Sadržaj

KANTONALNA
PRIVREDNA
KOMORA TUZLA

KOMORSKI INFORMATOR
BROJ 4-6/25,
april – juni
2025. godine

IZDAVAČKI SAVJET:

Nedret Kikanović
Almir Mešić
Edina Kurtić
Suad Selimović

REDAKCIJSKI KOLEGIJ:

Nedret Kikanović
Almir Mešić
Edina Kurtić
Suad Selimović

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

TEHNIČKA PRIPREMA, REPRO I ŠTAMPA:

GRIN d.o.o. Gračanica

ZA ŠTAMPARIJU:

Mirnes Salihović, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	Privreda Tuzle u Zagrebu	4 i 5
	Održane sjednice komorskih tijela	5
	Uvjerjenja za još 18 mentora praktične nastave	6
	Mentor praktične nastave	7
	Turski privrednici sa privrednicima TK	8
	“Energetski zaokret - Put prema klimatskoj neutralnosti, dekarbonizacija i pravedna tranzicija”	8
	Odabir korisnika grant sredstava tekućih i kapitalnih transfera za 2025. godinu	9
	Privreda TK na sajmu „LIST“ u Lukavcu	10 i 11
	Održan 2. Međunarodni Sajam kafe i čokolade	11
	Privreda TK na sajmovima Beogradskog sajma	12 i 13
	Najava sajamskih manifestacija u BiH	14 i 15
	Najava sajamskih manifestacija u regionu	16
	„Poslovna akademija za mlade - Otkrij svoj potencijal”	17
	Iz Vlade Tuzlanskog kantona	18 i 19
	Tuzla dobija moderniziran sistem grijanja	20
	Potrošačka korpa za april 3.168,90 KM	21
	Smanjenje doprinosa od 1. jula	22



Značajna privredna manifestacija...

Privreda Tuzle u Zagrebu

Saradnja Kantonalne privredne komore Tuzla, Veleposlanstva BiH u Hrvatskoj i Grada Tuzla



Na inicijativu Veleposlanstva Bosne i Hercegovine u Republici Hrvatskoj a u saradnji sa Gradom Tuzla i Turističkom zajednicom Grada Tuzle, Kantonalna privredna komora Tuzla je organizovala privrednu manifestaciju "Dan Tuzle u Zagrebu".

Privredu Tuzle na ovom jedinstvenom događaju u Kulturno-informativnom centru Veleposlanstva Bosne i Hercegovine u Zagrebu, predstavilo je dvanaest privrednih subjekata koji su predstavili svoje proizvode i usluge. Najviše pažnje privukli su proizvodi "Solane" d.d. Tuzla koja je sinonim za Tuzlu u široj regiji. Veliko interesovanje zvanica vladalo je za tuzlanska jezera i sve druge aktivnosti koje poduzimaju "Pannonica" Tuzla i Turistička zajednica Grada Tuzle. I u Hrvatskoj je poznata Turistička agencija "Golden Tours" Tuzla i prepoznate su specifične destinacije i putovanja koja potpisuje jedna od najstariji privatnih turističkih agencija u Bosni i Hercegovini. Svoje partnere i dugogodišnju saradnju u Zagrebu i Hrvatskoj imaju i članovi Pčelarskog društva "Nektar" Tuzla a nove iskorake i poslovna poznanstva ostvarili su i predstavnici "Nove banke" AD Banja Luka-Filijala Tuzla. Bila je ovo prilika i za susret sa već dobro poznatim poslovnim partnerima za predstavnike firmi "Deling" d.o.o. Tuzla i "Rudar" d.o.o. Tuzla. Svoje usluge i proizvode predstavili su u Zagrebu i "Menprom"d.o.o. Tuzla, „Pivara“ dd Tuzla, "Dita"d.o.o. Tuzla, "Bingo" d.o.o. Tuzla.



Manifestaciju je otvorila Nj.E. gospođa Elma Kovačević-Bajtal, ambasadorica Bosne i Hercegovine u Republici Hrvatskoj, naglašavajući značaj ovakvih događaja za jačanje međugradskih i međudržavnih veza. Na svečanosti otvorenja govorili su Stjepan Mesić, nekadašnji predsjednik Republike Hrvatske, a među zvaničnicima je bio još jedna bivši predsjednik Hrvatske Ivo Josipović. Na skupu su govorili i Nella Popović viša savjetnica gradonačelnika Grada Zagreba za međugradsku i međunarodnu suradnju, Ivan Bandić generalni konzul Republike Hrvatske sa sjedištem u Tuzli, Mišel Jakšić gradonačelnik Koprivnice prijateljskog grada Tuzle.

Zijad Lugavić gradonačelnik Tuzle govorio je na svečanosti o Tuzli kao središtu industrije, obrazovanja, kulture i ideja. „**Tuzla je sve više grad mladih talenata i hrabrih poduzetnika. Upravo zato smo ovdje, da otvorimo nova vrata saradnje, povežemo ljude, ideje i resurse, gradimo mostove između Tuzle i Zagreba, Bosne i Hercegovine i Hrvatske. Zato su značajni današnji kontakti privrednika, b2b susreti a sve u cilju jačanje regionalne saradnje. Tuzla ostaje otvorena za nove investitore, za sve one koji žele raditi i graditi, pružamo ruku saradnje i pozivamo vas da nas posjetite**“, rekao je gradonačelnik Lugavić zahvalivši se svima koji su doprinijeli realizaciji ove ideje i manifestacije. **“Tuzla je grad prilika, kulture i budućnosti. Dođite, investirajte, istražite, Tuzla nije samo destinacija, Tuzla je doživljaj”**, poručio je na kraju obraćanja gradonačelnik Tuzle.



Nedret Kikanović predsjednik Kantonalne privredne komore Tuzla je na skupu predstavio privredu Tuzle, posebno je vežući za eksploataciju soli. **“Tuzla je jedno od najstarijih stalno naseljenih mjesta u Evropi. Arheološki nalazi iz doba neolita svjedoče o eksploataciji slane vode za dobijanje soli. Tuzla je bila i ostala grad soli. Godine 1884., počinje novo poglavlje – industrijska era. Godine 1884. počinje izgradnja Solane. Već godinu dana kasnije – 1885. – počinje proizvodnja. Tako nastaje Solana d.d. Tuzla, firma koja i danas radi bez prekida – već preko 140 godina”** rekao je predsjednik Kikanović. Istakao je značaj Rudnika Kreka za razvoj Tuzle i cijele regije, govorio o proizvodnji piva, o Tuzli kao turističkoj destinaciji, Tuzli kao IT centru, o drugim zastupljenim industrijama. **“Danas, Tuzla je snažan privredni centar. Prije svega, kao energetska gigant. Ali tuzlanska privreda je mnogo više. Razvijene su industrije: mašinska, elektro, hemijska, građevinska, tekstilna, prehrambena. Ona preduzeća koja su prije deceniju bila temelj razvoja, danas su nositelji inovacija.**



Investiraju u nove tehnologije, obrazuju radnike, isporučuju proizvode najvišeg kvaliteta, i što je najvažnije – većina tih proizvoda je namijenjena izvozu”, naglasio je Nedret Kikanović predsjednik Kantonalne privredne komore Tuzla.



U okviru programa otvorenja manifestacije je prikazan film “Tuzla, energija razvoja”, u produkciji Turističke zajednice Grada Tuzle. Kantonalna privredna komora Tuzla je u okviru manifestacije organizovala i poslovne susrete sa predstavnicima zagrebačkih privrednih subjekata koje je za ovu priliku animirala Hrvatska gospodarska komora Zagreb.

Nakon privrednog i svečanog dijela, manifestacija je imala i kulturni događaj kojim je zaključena. U večernjim satima, u sklopu ove manifestacije, u produkciji Narodnog pozorišta Tuzla, u zgradi ZGK “Komedijska” u Zagrebu izvedena je komična drama “Putovanje”, autora Vahida Klopčića i u režiji Midhata Kušljagića.



Pripremio: Dino Kalesić

Održane sjednice komorskih tijela..

8. sjednica UO i 7. sjednica Skupštine Komore

Usvojeni izvještaji i Završni račun



U Kantonalnoj privrednoj komori Tuzla održane su sjednice krovnih komorskih tijela. Članovi Upravnog odbora održali su osmu po redu sjednicu. Predloženi su im Izvještaj o radu, o rezultatima finansijskog poslovanja i Izvještaj Nadzornog odbora o uvidu u Finansijski izvještaj Kantonalne privredne komore Tuzla za 2024. godinu. Nakon diskusije o navedenim dokumentima, članovi Upravnog odbora su ih jednoglasno usvojili. Uz sv pomenuto, još su i donijeli Odluku o zamjeni, nabavci i ugradnji LED displeja na zgradi Komore. Nedret Kikanović predsjednik Komore je na ovoj sjednici sve prisutne članove Upravnog odbora upoznao da je Grad Tuzla u saradnji sa Kantonalnom privrednom komorom Tuzla i Turističkom zajednicom Grada Tuzle organizator manifestacije Dan Tuzle u Zagrebu 10. aprila 2025. godine.



Isti dokumenti, iste teme i iste informacije, našle su se i pred članovima Skupštine Kantonalne privredne komore Tuzla na sedmoj po redu sjednici. Članovi i ovog komorskog tijela su, nakon opsežnih i detaljnih analiza izvještaja te konstruktivne diskusije, usvojili sve, Dnevnim redom za sjednicu predviđene materijale. Također, sve jednoglasno.

D.K.



Ukupno 18 polaznika obuke...

Četvrta grupa obuke mentora praktične nastave

“Unapređenje i promocija dualno organizovanog stručnog obrazovanja u Tuzlanskom kantonu”



U Kantonalnoj privrednoj komori Tuzla, u periodu od 24 – 26. aprila, održana je obuka četvrte grupe mentora praktične nastave kod poslovnih subjekata. Obuku je prošlo 18 polaznika koji su kroz tri dana sticali dodatna znanja i vještine iz pedagoške i metodičke oblasti za rad sa učenicima koji dolaze na praktičnu nastavu. Cilj obuke je unaprijediti realizaciju praktične nastave u poslovnim subjektima kroz mentorstvo.

Obuka je provedena u saradnji sa Ministarstvom obrazovanja i nauke TK i Pedagoškim zavodom, a kroz realizaciju projekta “Unapređenje i promocija dualno organizovanog stručnog obrazovanja u Tuzlanskom kantonu” koji Komora realizuje u saradnji sa (GIZ) GmbH.

Ova aktivnost se u 2025. godini realizuje u partnerstvu sa Deutsche Gesellschaft für Internationale Zusammenarbeit (GIZ) GmbH, u okviru SEDEP programakog sufinansiraju Vlada SR Njemačke (BMZ), Evropska unija, i Vlada Švicarske.

Svečana dodjela uvjerenja u Komori...

Uvjerenja za još 18 mentora praktične nastave

“Unapređenje i promocija dualno organizovanog stručnog obrazovanja u Tuzlanskom kantonu”



U Kantonalnoj privrednoj komori Tuzla je održana svečana dodjela Uvjerenja o uspješno završenoj obuci četvrte grupe mentora praktične nastave za 18 polaznika iz poslovnih subjekata Tuzlanskog kantona. Cilj obuke koju u saradnji provode Ministarstvo obrazovanja i nauke TK, Pedagoški zavod TK i Kantonalna privredna komora Tuzla, je da mentori steknu dodatna znanja i vještine iz pedagoške i metodičke oblasti kako bi u radu sa učenicima bili što uspješniji. Uvjerenja prisutnim polaznicima su uručili master mentori, koji su kroz trodnevnu obuku, polaznicima prenijeli znanja i vještine potrebne za kvalitetniju realizaciju praktične nastave i unapređenje rada sa učenicima. Učesnici obuke su se složili da je obuka bila izuzetno korisna, posebno u segmentima pristupa mentora učeniku i metodama rada sa učenicima, te su istakli da će im stečena znanja koristiti u realizaciji praktične nastave u njihovim poslovnim subjektima. **“Završetkom ove obuke, u Tuzlanskom kantonu smo dobili ukupno 69 obučanih mentora u poslovnim subjektima, osposobljenih u dijelu pedagoško-didaktičkih kompetencija, koji će značajno doprinijeti unapređenju kvaliteta praktične nastave, a time i učeničkih kompetencija neophodnih u savremenim procesima rada”**, rekao je Nedret Kikanović predsjednik Kantonalne privredne komore Tuzla. Obuke će se nastaviti i u narednom periodu pa pozivamo sve poslovne subjekte koji u svojim kompanijama imaju učenike na praktičnoj nastavi, kao i one koji su zainteresovani da se uključe u ove procese, da prijave svoje uposlenike. Obuke se realiziraju kroz projekat “Unapređenje i promocija dualno organizovanog stručnog obrazovanja u Tuzlanskom kantonu”. Ova aktivnost se u 2025. godini realizuje u partnerstvu sa Deutsche Gesellschaft für Internationale Zusammenarbeit (GIZ) GmbH, u okviru SEDEP programakog sufinansiraju Vlada SR Njemačke (BMZ), Evropska unija, i Vlada Švicarske. Sve dodatne informacije vezano za obuke mentora možete dobiti u Kantonalnoj privrednoj komori Tuzla putem e-mail adrese edina@kpktz.ba.

Pripremila: Edina Kurtić,
rukovodilac Sektora udruženja



Co-funded by
the European Union



Switzerland.



DEUTSCHE ZUSAMMENARBEIT

implemented by

giz

Deutsche Gesellschaft
für Internationale
Zusammenarbeit (GIZ) GmbH

in cooperation with:



KANTONALNA PRIVREDNA KOMORA TUZLA
CHAMBER OF ECONOMY OF TUZLA CANTON
KANTONALE WIRTSCHAFTSKAMMER TUZLA



MENTOR PRAKTIČNE NASTAVE

kod poslovnih subjekata

KO JE MENTOR?

Mentor za praktičnu nastavu je osoba koja je zaposlena kod poslovnog subjekta ili osoba koja samostalno obavlja djelatnost, odgovorna za organizaciju, izvođenje i praćenje praktične nastave koja se izvodi kod poslovnog subjekta.

Mentor ima ključnu ulogu u procesu obrazovanja kod poslovnog subjekta. On je učitelj na radnom mjestu i uzor učenicima. Prenosi im svoja znanja i vještine u realnom radnom okruženju.

KAKO POSTATI MENTOR*

- Obuka za mentore praktične nastave kod poslovnih subjekata
- Trajanje obuke: 40 sati (3- dnevna nastava i samostalni rad)
- Organizatori: Pedagoški zavod TK i Kantonalna privredna komora Tuzla

Teme:

Modul 1—Zakonsko regulisanje organizacije praktične nastave


Modul 2—Pedagoške osnove obrazovanja i odgoja učenika

Modul 3—Sistem organizacije praktične nastave s akcentom na ulogu relevantnih aktera

Modul 4—Praćenje, vrednovanje, vođenje dokumentacije i ocjenjivanje učenika

*Program obuke za mentore praktične nastave kod poslovnih subjekata—Službene novine TK 11/24

Više informacija na: www.kpktz.ba i www.pztz.ba





Posjeta turske privredne delegacije...

Turski privrednici sa privrednicima TK

100 domaćih privrednika - Predstavnici 25 turskih firmi



Posjeta delegacije turskih privrednika Tuzlanskom kantonu, nakon Gradačca i Živinica nastavljena je u Tuzli, sastankom sa najmanje 100 domaćih privrednika koji su se imali priliku upoznati sa investitorima iz turske pokrajine Sakarija. Domaćin je bila Kantonalna privredna komora Tuzla. Predstavnici 25 firmi okupljenih oko poslovne asocijacije ASRIAD upoznati su sa privrednim i turističkim potencijalima našeg kantona. Pokrajina Sakarya čiji privrednici su u Tuzli održali sastanke sa privrednicima iz TK, nalazi se na sjeverozapadu Turske, na obali Crnog mora i čini dio geografske regije Marmara. Glavni grad je Sakarya a dobio je

naziv po istoimenoj rijeci. Sakaria se nalazi na trasi autoceste Ankara-Istanbul. Sa oba grada je povezana i cestovnim i željezničkim vezama. Ovdje se nalazi i veliki istanbulski međunarodni aerodrom Sabiha. Sakarye je, samo dva sata vožnje autom, udaljena od Istanbula. Jedan od najvažnijih ostataka od historijskog značaja je Justinijanov most. A most prijateljstva sa TK, učvršćen je dodatno sastankom u Tuzli. Prema riječima Nedreta Kikanovića predsjednika Kantonalne privredne komore Tuzla, došli su predstavnici 25 turskih firmi. Zadovoljstvo susretima iskazao je Ridvan Ulusal, predsjednik asocijacije ASRIAD govorio je o interesu turskih privrednika za karakteristične oblasti privrede TK. Sastanak privrednika potrajao je nekoliko sati. Prethodno su turskim privrednicima prezentirani privredni i turistički potencijali TK. Dodajmo i da je glavna atrakcija Sakarye jezero Sapanca, prilagođeno boravku turista.

Nikšić, Lakić, Lugavić...

Energetski zaokret - Put prema klimatskoj neutralnosti, dekarbonizacija i pravedna tranzicija

Razvoj zelene ekonomije se mora prepoznati i institucionalno podržavati



Prva konferencija "Energetski zaokret - Put prema klimatskoj neutralnosti, dekarbonizacija i pravedna tranzicija", koja je održana u organizaciji Federalnog ministarstva energije, rudarstva i industrije i uz podršku Vlade FBiH i partnera, otvorena je u Tuzli. Federalni ministar energije, rudarstva i industrije Vedran Lakić u uvodnom obraćanju poručio je da ovaj događaj od izuzetne važnosti za budućnost Bosne i Hercegovine. "Želim izraziti veliku zahvalnost što je Vlada FBiH ukazala čast da sjednica Vlade FBiH bude održana u Tuzli, s obzirom na to da je, između ostalog, ista bila posvećena i Tuzli. Zahvalan sam svim prisutnima što su danas ovdje sa nama i što ćemo podijeliti znanje i iskustvo kada je energetika u pitanju. Tuzla je prije svega bila u proteklih nekoliko decenija centar energetskog razvoja kompletne BiH i nasljeđe koje nosimo u ovom trenutku pokazuje šta znači energetika za ovaj kraj. Odavde trebamo poslati poruku da je vrijeme za jedan energetski zaokret s obzirom na kompletnu situaciju koja se dešava u sektoru energetike. Nadam se da ćemo imati vrlo dobre i konstruktivne zaključke sa konferencije", kazao je Lakić.

Premijer FBiH Nermin Nikšić je rekao da "dugoročno moramo ciljati na potpunu dekarbonizaciju do 2050. godine u skladu sa Pariškim sporazumom".

"Razvoj zelene ekonomije se mora prepoznati i institucionalno podržavati kao pokretač razvoja i kreiranja novih radnih mjesta. Energetski nezavisna Bosna i Hercegovina, kako više nikada ne bi ovisili o uvozu, strateški je cilj, jer samo zemlje koje neovisno upravljaju svojim resursima i ne ovise o drugim da je opskrbljuju, su istinski samostalne države", dodao je Nikšić.

Zijad Lugavić gradonačelnik Grada Tuzla je rekao da je tranzicija kompleksna oblast koja mora imati jedan ovako strateški pristup.

"Kvalitet realizacije projekata u oblasti energetske tranzicije će biti neminovno dobar uz mnogo benefite po grad Tuzlu, Tuzlanski kanton, BiH na putu ka pravednoj tranziciji. Kada imamo opredjeljenost i cilj sigurno ćemo uživati velike benefite, a jedan od najvećih je čist zrak, ka čemu težimo. Ova konferencija je historijska za dekarbonizaciju, pravednu tranziciju i smanjenje emisije SO₂ i CO₂ u zrak. Zahvaljujemo Vladi Federacije BiH i ministrima na održavanju sjednice u Tuzli, gdje su donesene važne odluke, uključujući investiciju od dodatnih pet miliona KM u prvu fazu magistralnog vrelova", istakao je Lugavić.

Događaj je okupio više od 200 stručnjaka, predstavnika vlada, industrije, civilnog društva, predstavnike domaćih kompanija i akademске zajednice, što ovu konferenciju čini nezaobilaznim događajem za sve one koji žele dati svoj doprinos na putu ka klimatskoj neutralnosti, dekarbonizaciji i pravednoj tranziciji Bosne i Hercegovine, saopćeno je iz Federalnog ministarstva energije, rudarstva i industrije.

D.K.



Održan Info dan u Komori...

Odabir korisnika grant sredstava tekućih i kapitalnih transfera za 2025. godinu

Info dani u Bihaću, Mostaru, Tuzli, Sarajevu



Federalno ministarstvo razvoja, poduzetništva i obrta je 21.3.2025. godine objavilo Javni konkurs za odabir korisnika grant sredstava tekućih i kapitalnih transfera za 2025. godinu. U cilju što kvalitetnijeg informisanja potencijalnih korisnika Federalno ministarstvo razvoja, poduzetništva i obrta u saradnji sa UNDP-Razvojni program Ujedinjenih nacija u BiH i Privrednom/Gospodarskom komorom Federacije BiH, te Privrednom komorom USK i Kantonalnom privrednom komorom Tuzla održava Info dane. Prva dva, u nizu događaja, održani su u Bihaću i Mostaru u prostorijama privrednih komora. Info dan je održan i u Tuzli u Kantonalnoj privrednoj komori Tuzla. Predstavnici Ministarstva razvoja, poduzetništva i obrta prezentirali su brojnim privrednicima sa područja Tuzlanskog kantona, objavljeni Javni konkurs za odabir korisnika grant sredstava tekućih i kapitalnih transfera za 2025. godinu. Također, na Info danu su dali pojašnjenja vezana za podnošenje projektnih prijava, sve u cilju što kvalitetnijeg informisanja potencijalnih korisnika.

Predstavnici Federalnog ministarstva razvoja, poduzetništva i obrta prezentirali su ovogodišnji program poticaja za osam projekata. Na raspolaganju je ukupno 28 miliona KM.

“U najkraćem na projektu izgradnje poduzetničkih zona finansijski okvir je 5 000 000 KM. Maksimalan iznos koji mogu dobiti jedinice lokalne samouprave uz obavezu vlastitog sufinansiranja projekta u iznosu od 25 %. Na projektima podrške razvoju poduzetničke infrastrukture grantovi su do 60 000 KM kroz dva definisana projekta, to je podrška organizovanju sajmova i unapređenju podrške infrastrukture uz obavezu sufinansiranja projekata od 40 %. Težišni projekat pod nazivom jačanje konkurentnosti malih i srednjih preduzeća omogućio je ove godine potencijalnim podnosiocima projektnih prijava da mogu aplicirati s projektnim prijedlozima koji sadrže grant zahtjev do iznosa 200 000 KM u kontekstu ukupnog budžeta projekta”, rekao je Adis Fajić, stručni savjetnik u Federalnom ministarstvu razvoja, poduzetništva i obrta.

Za subvencioniranje privatnih preduzeća na raspolaganju su 22 miliona KM, a mogu se prijaviti na četiri projekta.



“Za privatnike su na raspolaganju četiri projekta. Jedan od njih je podrška malim i srednjim preduzećima koji posluju u IT sektoru, za jačanje konkurentnosti malih i srednjih preduzeća na raspolaganju je 18 miliona maraka, a za podršku obrtima i podršku novoregistriranim subjektima male privrede na raspolaganju je po milion maraka”, rekao je Fajić.

Uslovi za apliciranje su definisani u skladu sa Zakonom o poticaju male privrede i Zakonom o obrtu i srodnim djelatnostima.

“Smatramo da je ovaj događaj značajan jer je naš cilj da ovu informaciju podijemo sa što većim brojem privrednika koji na ovaj način mogu da dođu do dodatnih sredstava za finansiranje posebno obzirom da su najveći dio sredstava namijenjeni upravo malim i srednjim preduzećima kojima je potrebna najveća podrška za finansiranje posebno u ovim zahtjevnim vremenima. Jako je velik interes privrednika i nadam se da će značajan dio sredstava da dođe u TK”, rekla je Edina Kurtić, rukovodilac sektora privrede Kantonalne privredne komore Tuzla.

Planirano je da Info dan još bude održan u Sarajevu Privrednoj/gospodarskoj komori Federacije BiH.

D.K.



Održan 23. sajam "List"...

Privreda TK u Lukavcu

23. Međunarodni sajam turizma i ekologije



Održana je i 23. po redu tradicionalna turističko/privredna manifestacija Sajam „LIST“ u Lukavcu. Kao i uvijek, sajam je obilovao raznovrsnim sajamskim sadržajima. Pored redovnih dešavanja, promocije usluga, destinacija i proizvoda, prezentacije gastro ponude BiH, konferencija, brojnih seminara i stručnih predavanja iz oblasti turizma i ekologije, sajam je obogaćen i raznim takmičenjima i bogatim kulturno-zabavnim programom. Uz podršku najviših nivoa vlasti koji su prepoznali značaj LIST-a, manifestacije koja svojom prepoznatljivošću i ugledom doprinosi promociji naše zemlje, Lukavac je i ove godine zauzeo najomiljenije mjesto u kalendaru turističkih događaja, okupljanja turističkih radnika i posjetilaca u BiH. Velika sala JU Centar za kulturu Lukavac bila je po 23. put puna na svečanoj ceremoniji otvaranja Međunarodnog sajma turizma i ekologije. Ceremoniji otvaranja sajma su prisustvovali brojni visoki zvaničnici iz Bosne i Hercegovine, puno stranih delegacija iz cijelog svijeta, kao i veliki broj privrednika i građana iz cijele BiH i regije.

U bogatom programu otvaranja Sajma, gostima su se obratili Suad Salibašić, Predsjedavajući Gradskog vijeća Lukavac koji se obratio u ime Organizacionog odbora Sajma i u ime direktora, Gradonačelnik Grada Lukavac Edin Delić, te Mirsad Husić, izvršni direktor za kvalitet i ekologiju SISECAM SODA Lukavac, Ministar trgovine i turizma u Vladi TK Almir Žilić, Dženeta Omerdić koja se obratila u ime člana Predsjedništva Bosne i Hercegovine Denisa Bećirovića i Premijer Tuzlanskog kantona Irfan Halilagić koji je i otvorio Sajam LIST 2025.



U obraćanju je premijer Halilagić istaknuo da Tuzlanski kanton i dalje zauzima tek šesto mjesto po broju dolazaka u Federaciji Bosne i Hercegovine, s učešćem od 5,7%, te da nas to obavezuje da se zapitamo – da li radimo dovoljno? Da li smo iskoristili sve ono što nam je priroda, historija i čovjek podarila? „Na ova pitanja, svojevrsni odgovor nudi i vizija razvoja turizma Tuzlanskog kantona – vizija koja okuplja sve ključne aktere: od turista, preko institucija i investitora, do svakog pojedinca koji ovaj kraj doživljava svojim domom. Ta vizija, uokvirena u Strategiju razvoja turizma TK 2024 - 2029. nas uči da turizam TK treba biti prepoznatljiv, održiv, multikulturalan i inovativan – turizam koji čuva svoje naslijeđe, a istovremeno pruža jedinstven i nezaboravan doživljaj gostima iz zemlje i inostranstva. I nije to samo suha strategija – to je slika budućnosti koju svi možemo graditi zajedno. To je moto koji nam poručuje: „Otkrij i uživaj!“, kazao je Halilagić i dodao da nije sve u kritici – i ne smije biti.

„Sajam List i mi smo danas tu da istaknemo prilike. Prilike koje leže u boljoj zračnoj povezanosti, novim destinacijama koje otvaramo, a koje pružaju svima koji se bave turizmom priliku da svoje potencijale reklamiraju i van granica Bosne i Hercegovine. One pružaju priliku da na naše destinacije dovedemo naše goste



i prijatelje iz Turske, Austrije, Njemačke.... Vrijeme pred nama nije samo poziv na akciju, već i na zajedništvo. Turizam nije posao jednog čovjeka ili jedne institucije – turizam je kolektivni napor. On počinje osmijehom domaćina, ali završava tek kada gost poželi da se vrati“, rekao je premijer Halilagić i svečano proglasio Sajam otvorenim.

Već tradicionalno Sajam „List“ je, osim izložbe turističkih potencijala, prilika da se turistički radnici kroz predavanja i razmjenu iskustava sa svojim kolegama upoznaju sa novim potencijalima i prilikama za unaprijeđenje svojih turističkih proizvoda. Tuzlanski kanton je bogat svojim kulturno – historijskim naslijeđem i ima šta da ponudi ali neophodno je raditi na brendiranju i prezentaciji turističkih potencijala, te oko njih graditi priču koja će privući turiste. Sajam je bio prilika da se razmijene regionalna iskustva, a kao i svake godine do sada, i ovaj sajam pratile su prezentacije gastro ponude, ponuda ruralnog turizma, a putem seminara i predavanja turističkim radnicima ponuđena su nova saznanja u oblasti turizma, što bi trebalo doprinijeti unaprijeđenju turističke ponude.



Tradicionalno, i Kantonalna privredna komora Tuzla ima svoje mjesto na ovoj značajnoj sajamskoj manifestaciji. Zajedničku postavku pod nazivom „Privreda TK“, ove godine su činile slijedeće članice Komore:

„Fana“ Srebrenik, Mlin „Nezić“ Gradačac, „Solana“ Tuzla, TQM Lukavac, „Lović & Co“ Lukavac, „Imel – Milo selo“ Lukavac, „Eko život“ Tuzla, Finra Tuzla, Hotel „Tehnograd“ Tuzla, Hotel „Vertigos“ Tuzla, „Borplastika“ Tuzla,

„Zeka komerc“ Gračanica, „Tehna“ Gračanica, „Wortmann“ Tinja, „Radius“ Gračanica, „Corn flips“ Srebrenik, „Cydonia“ Gračanica, Turistička agencija „Golden tours“ Tuzla, Turistička agencija „Kompas“ Tuzla, Turistička agencija „In tour“ Tuzla, Turistička agencija „Transturist“ Tuzla, TA „Guverner turist“ doo Tuzla, Turistička zajednica TK, Turistička zajednica Grada Tuzla, „Piemonte“ Tuzla, „Lerim“ Lukavac, „Aronija Okanović“ Tuzla, „Adriatic osiguranje“ Tuzla, „Euroherz osiguranje“ Tuzla, „Triglav osiguranje“ Tuzla, „Pašnjak“ Tuzla, „Nova Banka“ ad Banjaluka, filijala Tuzla, „Annoa“ Tuzla, „Azos“ doo Tuzla, „MiBospo“ Tuzla, „Porta Naturae“ d.o.o. Srebrenik, JKP „Pannonica“ d.o.o. Tuzla, UR Etno Restoran „Bardak“ Đurđevik, Grupacija pčelara TK, Grupacija glijivara TK, „Grin“ Gračanica, „MamaMia“ Tuzla, „Kupres Milch“ Kupres, „Đukarić“ Teslić, „Juta torbice“ Ilidža, „Aktivus“ UG Tuzla, „Senad od Bosne“ Lukavac, „Guber“ Tuzla, „Cofi“ Kalesija, „Terme Ozren“ Gračanica, OR „Api riznica“ Živinice, BH Telecom dd Sarajevo, direkcija Tuzla, „Grnčarija“ Tuzla.

Sajam u Tuzli...

Održan 2. Međunarodni Sajam kafe i čokolade

18.000 posjetilaca iz cijele Bosne i Hercegovine i regije



Održan je i 2. Međunarodni Sajam kafe i čokolade, koji je tokom tri dana trajanja privukao oko 18.000 posjetilaca iz cijele Bosne i Hercegovine i regije. Organizator manifestacije, osnivač Sajma Edis Bajić, ponosno je istakao da je ovogodišnji sajam nadmašio očekivanja, potvrdivši Tuzlu kao regionalni centar slatkih užitaka i kulturne razmjene. Sajam je obilovao raznovrsnim sadržajima: od degustacija vrhunskih kafa i čokolada, preko edukativnih radionica i umjetničkih performansa, do kulturnih i muzičkih programa. Posebnu pažnju privukla je radionica „Mali kuhari“ pod vodstvom chefa Samira Delibegovića, gdje su djeca uzrasta od 4 do 12 godina učila pripremati jednostavna i zdrava jela poput voćnih salata, tortilla sendviča i čoko kanapea, razvijajući svoje kulinarske vještine kroz igru i kreativnost.

Belgijski majstor čokolade, Alexandre Druart, oduševio je posjetioce izradom skulpture od čokolade koja je prikazivala simbol Tuzle – slani bunar, spajajući umjetnost i gastronomiju na jedinstven način, a ovu manifestaciju je posjetila i ambasadorica Kraljevine Belgije u Bosni i Hercegovini, N.J.E. Christine Detaille. Zemlja Belgija je i partner Sajma kafe i čokolade u Tuzli.

Edukativni segment sajma između ostalih obuhvatio je i „Coffee Show“ Timura Kahrovića, radionicu „Put bariste: Umjetnost koja putuje svijetom“ Adnana Musića te „Orient Coffee Show“ Goran Jozića. Večernji programi, poput „Choco Coffee Music Night“ uz ansambl „Oktofonija“, nastup „Just Friends“ benda i kviza znanja „Quiz by Dean Kotiga“ na Panonskim jezerima, dodatno su obogatili sajamski doživljaj, pružajući posjetiocima zabavu i interakciju u opuštenoj atmosferi. Posebno izdanje kviza za srednjoškolce sa područja TK, ove godine održano je u Centru za kulturu u Lukavcu, a pobijedila je i vrijedne nagrade dobila ekipa iz Gračanice. Organizatori najavljuju da će naredni, treći po redu Sajam kafe i čokolade u maju 2026. godine, biti još bogatiji i sadržajniji, te pozivaju sve ljubitelje ovih slatkih i aromatičnih užitaka da prate zvanične kanale sajma za buduće informacije. Generalni pokrovitelj Sajma bila je kompanija Nipex, dok je brend Lasta ponosni zlatni sponzor. Veliku podršku Sajmu kafe i čokolade pružili su i Vlada Tuzlanskog kantona, Grad Tuzla, Turistička zajednica grada Tuzle, Razvojna banka Federacije BiH te Generalni konzulat Republike Hrvatske u Tuzli. Udruženje građana Aktivus zahvaljuje se svim izlagačima, partnerima, volonterima i posjetiocima koji su doprinijeli uspjehu ovogodišnjeg sajma, te se raduje ponovnom susretu naredne godine.

D.K.



Dvije sajamske manifestacija u Beogradu...

Privreda TK na sajmovima Beogradskog sajma

Održan 49. međunarodni sajam građevinarstva „SEEBBE 2025“ i
30. međunarodni sajam hortikulture “BeoPlant Fair 2025”



Na Beogradskom sajmu održane su dvije sajamske manifestacije u istom terminu, 49. Međunarodni sajam građevinarstva „SEEBBE 2025“ i jubilarni 30. Međunarodni sajam hortikulture “BeoPlant Fair 2025”. Na ceremoniji otvaranja ovih sajmских manifestacija, Dragan Glamočić ministar poljoprivrede, šumarstva i vodoprivrede u Vladi Republike Srbije, svim učesnicima poželio je uspješne nastupe, korisne sajmске dane i dobre poslovne dogovore, te proglasio sajmove otvorenim. Govorio je o hortikulturi kao važnom strateškom dijelu poljoprivrede Srbije, o izvozu cvijeća i ukrasnog bilja. Sajam hortikulture bio je prilika za povezivanje i jednu novu viziju hortikulture. Uz tri prateće tematske izložbe, 28. Izložbu ljekovitog bilja i preparata od meda – Darovi prirode, 13. Izložbu baštenskih i parkovskih mašina i opreme – Moto Plant Expo i 9. Izložbu organske proizvodnje – Organic Fest, sajam je i ove godine bio obogaćen dodatnim manifestacijama koje obuhvataju ljekovito bilje, organsku proizvodnju i savremenu baštensku mehanizaciju. Ova manifestacija tradicionalno okuplja ljubitelje biljaka, profesionalce iz oblasti hortikulture i sve one koji cijene ljepotu cvijeća i značaj zelenila. Priroda je ponovo u centru pažnje. Sve više ljudi otkriva radost baštovanstva, sadnje i povratka prirodi – a upravo to je duh koji donosi BeoPlant Fair, najveći domaći događaj posvećen hortikulturi. Hortikultura kao multidisciplinarna oblast poljoprivrede sve više dobija na značaju, kako u kontekstu održivog razvoja, tako i u unapređenju kvaliteta života u urbanim sredinama. Ovaj sajam nije samo izložba biljaka – to je susret sa prirodom u svom najljepšem izdanju, mjesto inspiracije, znanja i održivih rješenja za život u skladu sa zelenim vrijednostima.

Na 30. Međunarodnom sajmu hortikulture BeoPlant Fair dodeljena su priznanja za doprinos hortikulturi, u znak zahvalnosti onima koji su svojom kreativnošću, trudom i kvalitetom obogatili ovu zelenu manifestaciju. Stručni žiri je ocjenjivao i nagradio ekspanate u šest robnih grupa, dodijelio nagrade za dizajn štanda, dizajn proizvoda, za sadni materijal a uručeno je i sedam specijalnih priznanja.





Kada je u pitanju sajam građevine, očekivano je ova manifestacija napunila ponovo šest hala Beogradskog sajma i nastavlja svoj rast i razvoj. To je prestižni događaj, koji daje pečat čitavoj građevinskoj industriji u regionu, a atmosfera inovacija ponovo je dominirala i na otvorenom prostoru Beogradskog sajma. Ovaj istaknuti događaj, koji je ključna platforma za susret stručnjaka, kompanija i entuzijasta građevinske industrije, predstavio je ove godine najnovije trendove, tehnologije i projekte.

Beogradski sajam građevinarstva, sa svojom dugogodišnjom tradicijom i značajnim uticajem kako na regionalno, tako i na globalno tržište, izrastao je u mjesto okupljanja svih koji žele da prate savremene trendove u građevinskoj industriji. I ove godine, prema očekivanjima, sajam je privukao raznovrsne učesnike, nudeći ne samo mogućnosti za uspostavljanje novih poslovnih kontakata i zaključivanje dogovora, već i prostor za razmjenu znanja i iskustava koja mogu doprinijeti oblikovanju budućnosti građevinarstva. Međunarodni sajam građevinarstva u Beogradu predstavlja još jednu značajnu priliku za promociju inovacija i podsticanje daljeg razvoja i rasta građevinskog sektora.

Na ovogodišnjoj manifestaciji predstavilo se više od 400 izlagača iz 27 zemalja učesnica: Albanija, Austrija, Azerbejdžan, Bosna i Hercegovina, Bugarska, Crna Gora, Češka Republika, Estonija, Finska, Francuska, Grčka, Hrvatska, Italija, Kina, Litvanija, Mađarska, Nemačka, Poljska, Rumunija, Rusija, Severna Makedonija, Singapur, Slovenija, Srbija, Španija, Švedska i Turska.



Uprilичeno je sedam nacionalnih izložbi koje donose inostrana dostignuća, i to slijedećih zemalja učesnica: Austrija, Crna Gora, Češka Republika, Kina, Poljska, Bosna i Hercegovina i Turska.

Kako je istaknuto tokom brojnih programskih sadržaja, u Srbiji je aktuelna realizacija više građevinskih projekata, što obuhvata izgradnju stambenih, poslovnih i rekreativnih objekata, infrastrukturne projekte, sektor energetike doživljava značajne promene kroz investicije u obnovljive izvore energije i modernizaciju postojećih energetskih resursa a u značajnom porastu su i veliki građevinski projekti koji su podstakli razvoj turizma, posebno u oblasti hotelske industrije i turističke infrastrukture.

Na manifestaciji su se istakli proizvođači atraktivnih modularnih objekata za stanovanje, takozvanih kontejnera. Estetski i funkcionalno modularni objekti su izuzetno napredovali, te su

čest izbor kupaca. Uz modularne objekte izloženi su i prateći objekti poput bazena i letnjikovaca. Kao najnovije tehnološko rešenje u gradnji, sajamska publika je imala priliku da vidi kompozitnu armaturu (GFRP – Glass Fiber Reinforced Polymer) i upozna se sa svim njenim prednostima. Posjetiocima sajma su prezentovani novi modeli crijeva velikog formata, a što se arhitekture enterijera tiče – proizvođači sobnih vrata izložili su aktuelnu ponudu. Na manifestaciji su predstavljeni i solarni paneli najnovije generacije, mašine za stolariju i prateća oprema.



“SEEBBE 2025” je i ove godine bio mjesto za ispitivanje tržišta, uspostavljanje saradnje i pokretanje novih projekata, a za domaće izlagače svakako i način da uvek budu u centru dešavanja i na nivou kriterijuma koje zahtevaju svetski standardi.

Nagrada “Nova vizura” i ove godine je dodijeljena izlagačima u nekoliko kategorija.

Kantonalna privredna komora Tuzla je i ove godine prisutna na sajamskim manifestacijama Beogradskog sajma. Nakon uspješnog nastupa na sajmu turizma u februaru, nastavljeno je predstavljanje firmi članica Komore na značajnim manifestacijama koje organizuje Beogradski sajam. Na 30. međunarodnom sajmu hortikulture “BeoPlant Fair 2025” izlagale su tri firme članice Komore: “Kupres Milch” Kupres, “Juta torbice” Ilidža i Domaćinstvo “Đukarić” Teslić. Tuzlanski kanton i Bosnu i Hercegovinu predstavljala je Kantonalna privredna komora Tuzla sa tradicionalnom zajedničkom postavkom pod nazivom “Privreda TK” i ove godine na sajmu “SEEBBE”. Još jedan uspješan nastup, uspostavljanje novih kontakata, razmjenu iskustva, ugovoravanje novih poslova, predstavljanje svojih proizvoda i usluga, na zajedničkom izložbenom prostoru u Beogradu potpisuju firme članice Komore: “Tehnograd Company” Tuzla, “Tuzla kvarc”, “Tehna” Gračanica, “Radius” Gračanica, “Annoa” Tuzla, “Lović & CO” Lukavac, “Xella BH” Tuzla, “Yavuz” Srebrenik, “Wortmann Metal” Tinja, “Bosfor Stil” Živinice, “Herceg” Srebrenik, “Borplastika” Tuzla i “Fibraworld” Gradačac.

Pripremio: Dino Kalesić



Najava sajamskih manifestacija...

Gradačac: 52. Sajam šljive, 27-30.8.

Međunarodni sajam poljoprivrede i
prehrambene industrije – Sajam šljive



52. Međunarodni sajam poljoprivrede i prehrambene industrije – Sajam šljive, održava u periodu od 27.8. do 30.8.2025. godine u Sportskoj dvorani "Skenderija" u Gradačcu. Ove godine očekujemo više od 250 izlagača iz Bosne i Hercegovine i regiona, koji dolaze iz sektora poljoprivrede i prehrambene industrije. Sajam će okupiti ne samo izlagače, već i brojne partnere, predstavnike medija te strane organizacije zainteresirane za podršku i finansiranje domaćih kompanija. Tokom trajanja sajma planirane su stručne konferencije, okrugli stolovi i edukacije, a svi izlagači će unaprijed dobiti agendu sajma, kako bi mogli izabrati događaje koji najbolje odgovaraju njihovim interesima. Sajam šljive, kao najstarija sajamska manifestacija u Bosni i Hercegovini, ima strateški značaj za Grad Gradačac i cijelu zemlju. Pruža jedinstvenu priliku za umrežavanje, razmjenu znanja i iskustava, te stvaranje novih poslovnih prilika. Pozivamo sve zainteresovane izlagače da potvrdite svoje učešće, kako bismo zajedno doprinijeli uspjehnosti ove manifestacije i nastavili graditi snažnu poljoprivrednu i prehrambenu industriju.

Modriča: "Sajam privrede 2025", 4-5. 9.

Razmjena novih tehnologija i znanja, povezivanje privrednika

"Sajam privrede Modriča 2024" je izuzetna prilika da svoje proizvode i usluge predstavite velikom broju poslovnih partnera i posjetilaca te da adekvatnom i ciljanom promocijom pridobijete nove klijente i ostvarite značajne poslovne kontakte. Izlaganje na Sajmu prilagodili smo različitim strukturama firmi i organizacija - od malih zanatsko-preduzetničkih radnji do velikih poslovnih kompanija iz svih branši. "Sajam privrede Modriča 2025" biće održan 4. i 5. septembra 2024 godine. Sajam privrede u Modriči organizuje se od 2010. godine i predstavlja najvažniju privrednu manifestaciju, koja ima tendenciju stalnog razvoja i prerastanja u tradiciju. Cilj osnivanja Sajma je razmjena novih tehnologija i znanja, povezivanje privrednika, udruženja i privrednih komora, kao i prezentacije novih proizvoda i usluga. Sajam okuplja subjekte iz svijeta privrede, malog preduzetništva, turizma, kao i poljoprivrede. Za dva dana, koliko traje sajamska manifestacija na Sajmu se predstavi preko 250 izlagača iz zemlje i regiona, na površini preko 6000 m² izložbenog prostora, a sajam posjeti preko 5000 posjetilaca. Detaljnije informacije: www.raomd.org. Organizator Sajma: Razvojna agencija opštine Modriča.



Bihać: 21. EKOBIS od 4. do 7. septembra

21. međunarodni sajam ekologije



21. međunarodni sajam ekologije - EKOBIS 2025 će se održati od 4. do 7. septembra 2025. godine na lokaciji Sportske dvorane "Luke" u Bihaću. Sajam EKOBIS prate i 4. međunarodni sajam turizma - EKOTOUR, te 5. međunarodni sajam obrta. Na sajmu se očekuje preko 200 izlagača iz zemlje i regije koji će prezentirati svoje proizvode, usluge i projekte s posebnim naglaskom na održivost i ekologiju, očuvanje okoliša, inovacije i digitalizaciju. Mali privrednici i poljoprivredni proizvođači će na pratećem sajmu obrta ponuditi tradicionalne i organske proizvode, dok će prateći sajam turizma - EKOTOUR biti izvrsna platforma za promociju destinacija, turističkih potencijala, ponuda i aranžmana. Raznovrstan i bogat program ovogodišnjeg sajma EKOBIS uključivat će konferencije, prezentacije, okrugle stolove i panel diskusije te sportske, kulturne i zabavne događaje. Generalni sponzor sajma su Vlada Unsko-sanskog kantona i Ministarstvo privrede Unsko-sanskog kantona, a suorganizator Grad Bihać. Podršku sajmu pružaju Ministarstvo vanjske trgovine i ekonomskih odnosa BiH, Federalno ministarstvo poljoprivrede, vodoprivrede i šumarstva, Agencija za vodno područje rijeke Save, Vanjskotrgovinska/Spolnotrgovinska komora BiH i Privredna/Gospodarska komora FBiH.



Najava sajamskih manifestacija...

Sarajevo: "Tourism Expo 2025" od 25. do 27.9.

Tourism Expo Sarajevo 2025 u Centru Skenderija



Tourism Expo Sarajevo 2025, bit će održan od 25. do 27. septembra ove godine u Centru Skenderija. - U vremenu kada turizam postaje jedan od ključnih stubova ekonomskog razvoja, Bosna i Hercegovina dobija događaj koji će je pozicionirati među vodeće destinacije jugoistočne Evrope. Zaljubljenici u putovanja, avanture i istraživanja novih kultura doći će na svoje jer ih u Sarajevu očekuje Tourism Expo Sarajevo 2025, koji se održava od 25. do 27. septembra u Centru Skenderija, i koji predstavlja više od sajma - predstavlja prozor u turističku dušu cijele BiH - saopćili su organizatori. Sa svojom bogatom kulturom, raznolikim pejzažima i jedinstvenim spojem Istoka i Zapada, Bosna i Hercegovina ima izuzetnu priliku da upravo kroz Sarajevo, kao glavni grad i historijsko srce zemlje, predstavi svoj puni turistički potencijal. Cilj je jasan: učiniti Sarajevo regionalnim centrom turizma, a BiH destinacijom koja osvaja svojom autentičnošću. Bosna i Hercegovina to zaslužuje, poručili su organizatori. Na sajmu će učestvovati brojne turističke agencije, destinacije, institucije i investitori iz više od 20 zemalja, a posjetioци će imati priliku da iskuse bogatstvo različitih kultura, ponuda i ideja, prenosi Fena.

Tourism Expo Sarajevo 2025 donosi B2B susrete, zanimljive i drugačije panel diskusije, interaktivne radionice, kao i prezentacije inovacija, digitalnih rješenja i održivih praksi u turizmu. U fokusu su i autentične destinacije iz svih dijelova BiH, uključujući kulturnu baštinu, prirodne ljepote, gastronomiju i avanturistički turizam. Bitan segment sajma će biti i ekološki i održivi turizam sa stručnjacima iz zaštite životne sredine. - Interesovanje je veliko, kako iz regiona tako i iz Evrope, Bliskog Istoka i Azije. Sarajevo se pozicionira kao ozbiljan poslovni centar, a BiH kao cjelina postaje sve zanimljivija međunarodnim turistima - poručuju iz organizacionog tima. Organizatori pozivaju sve turističke radnike, institucije, medije i zaljubljenike u putovanja da budu dio ovog izuzetnog događaja i zajedno učestvuju u stvaranju i promociji turističke budućnosti Bosne i Hercegovine.

Sarajevo: 11. sajam bh privrede, 13-15.11.

"Domaći proizvod u službi građana Bosne i Hercegovine"



Zadovoljstvo je obavijestiti Vas da KJP Centar "Skenderija" - Sarajevski sajam organizuje „11. Sajam bosansko - hercegovačke privrede“.

Sajam roba široke potrošnje biće održan u terminu od 13. do 15. novembra 2025. godine pod motom „Domaći proizvod u službi građana Bosne i Hercegovine“. Organizacijom Sajma i osmišljenim promotivnim aktivnostima izlagačima se nudi prilika da prikažu najnovija domaća i regionalna tehnološka i kreativna dostignuća. Prilika je to za promociju pozitivnog odnosa prema poduzetništvu, poticanje međusobne saradnje, upoznavanje stručne i druge javnosti s mogućnostima ulaganjima i poticajnim mjerama

Stručno edukativni program održava se na centralnom prezentacionom prostoru dvorane koji će kao i prethodnih godina biti u fokusu interesovanja izlagača, posjetilaca i medija.

D.K.



Sajamske manifestacije u regiji...

Zagreb: Sajam “Ambienta 2025” od 25. do 28.9.

52. međunarodni sajam namještaja,
unutarnjeg uređenja, graditeljstva i
HORECAindustrije

52. međunarodni sajam namještaja,
unutarnjeg uređenja i prateće industrije

ambienta
25. - 28. 9. 2025.

Iskoristite prednosti rane prijave
i osigurajte najbolju poziciju na sajmu!

Vodeći nacionalni događaj za ljubitelje namještaja, dizajna interijera i opremanja prostora održat će se na Zagrebačkom velesajmu od 25. do 28. septembra 2025. Ambienta 2025 na Zagrebačkom velesajmu događaj je koji 52. godinu zaredom okuplja ključne aktere industrije namještaja, dizajna interijera i opremanja prostora. Ovdje ćete imati priliku predstaviti svoje inovacije pred stručnjacima, poslovnim partnerima i krajnjim kupcima, stvarajući dugoročne poslovne kontakte i otvarajući vrata za nova tržišta.

Kroz temeljne izlagačke cjeline (Namještaj i uređenje, Dizajn zona, Pametan dom, HoReCa by Ambienta, Održiva gradnja i Art box) posjetitelji će imati priliku upoznati se s bogatim asortimanom renomiranih domaćih i inozemnih proizvođača namještaja te inovativnim dizajnom i trendovima koji obuhvaćaju širok spektar stilova koji kombiniraju funkcionalnost i estetsku vrijednost. Izložbenom cjelinom vezanom uz uređenje prostora, kako unutrašnjeg tako i vanjskog, pružit će se sveobuhvatan pregled najnovijih rješenja. U fokusu ovogodišnje Ambiente bit će i ESG načela koja postaju ključni faktor u razvoju industrije namještaja i gradnje. Održiva gradnja, energetska učinkovitost i odgovornost prema okolišu postaju neizostavan dio svakog ozbiljnog poslovnog projekta. Sajam će predstaviti najnovije inovacije u održivoj gradnji - od ekološki prihvatljivih materijala do energetske učinkovitih sustava koji smanjuju negativan utjecaj na okoliš.

Posebnu pažnju posvetit ćemo tehnologijama za pametan dom koje omogućuju veću učinkovitost, sigurnost i udobnost prostora. S razvojem digitalnih rješenja, pametni uređaji, automatizirani sustavi za kontrolu temperature, osvjetljenja i sigurnosti postaju ključni za moderan i siguran životni prostor. Ovaj segment sajma pruža priliku za predstavljanje inovacija koje smanjuju potrošnju energije, optimiziraju korištenje resursa i potiču odgovorno ponašanje prema okolišu. S posjetiteljima i izlagačima iz cijelog svijeta, Ambienta 2025 bit će ključna platforma za dijalog o održivosti u industriji namještaja, dizajna i gradnje, usmjerenoj prema budućnosti.

Beograd: Sajam namještaja, od 8. do 12.10.

N- 61. Međunarodni sajam namještaja,
opreme i unutrašnje dekoracije i 61.
Međunarodno sajma mašina i alata za
drvnu industriju (UFI)

61.
**Beogradski
Sajam
Nameštaja
2025 Sada**

Na Beogradskom sajmu će ove godine biti održan 61. Međunarodni sajam namještaja, opreme i unutrašnje dekoracije (UFI) i 61. izdanje Međunarodnog sajma mašina i alata za drvnu industriju (UFI). Najveća je ovo manifestacija regiona jugoistočne Evrope, koja već decenijama postavlja standarde i predstavlja najnovije tendencije, stilove i tehnologije u obradi drveta, proizvodnji i distribuciji namještaja. Kao vodeća sajamska manifestacija u industriji nameštaja i pridruženim privrednim granama već šest decenija predstavlja regionalno središte za sajamsku promociju i razvoj domaćih i međunarodnih brendova i pruža reprezentativan uvid u najnovije trendove, inovacije, dizajn i napredne tehnologije u ovoj značajnoj privrednoj djelatnosti. Konceptijski oslonac Sajma namještaja je i promocija dizajna namještaja i umjetnika - dizajnera, čija prisutnost i angažman donose dodatnu vrijednost događaju i doprinose cjelokupnom iskustvu posjetilaca. Sajam će kao i prethodnih godina, biti prilika za poslovne susrete i sklapanje novih partnerstava, ujedno i platforma za razmjenu znanja, ideja i inovacija. Održavanje sajma u šest decenija svjedoči o posvećenosti njegovanju estetskog i funkcionalnog doživljaja u opremanju ambijenta u kome boravimo, radimo i živimo. Sajam namještaja u Beogradu, kao prvorazredni događaj u sferi proizvodnje i distribucije nameštaja u jugoistočnoj Evropi, svoju višedecenijsku poziciju uzora u ovoj djelatnosti potvrdio je i prošle godine u jubilarnom izdanju, strateškim pristupom u organizaciji, kvalitetom ponude i učešćem u savremenim tokovima ove industrijske oblasti. Ove godine, Sajam će biti održan od 8. do 12. oktobra.

D.K.



Dvodnevna akademija u Sarajevu...

„Poslovna akademija za mlade - Otkrij svoj potencijal”

Organizator ICC – International Creativity Company Tuzla u saradnji sa EAB Beograd i ICS Sarajevo



ICC – International Creativity Company Tuzla u saradnji sa EAB Beograd i ICS Sarajevo, organizovao je nedavno u Sarajevu dvodnevnu akademiju pod nazivom „Poslovna akademija za mlade - Otkrij svoj potencijal”.



Ova značajna manifestacija bila je platforma za izgradnju ili povećanje kompetencije mladih ljudi, pripremu mladih ljudi za poslovne izazove, mogućnosti i prepreke, sa primjenom najinovativnijih metoda edukacije (Quality pyramid). Dvodnevna Akademija je ugostila 65 mladih ljudi, vrijednih i uspješnih studenata završnih godina, mlade ljude koji žele pokrenuti lični biznis ili se pripremiti za rad u domaćim organizacijama ili kompanijama. „Program dvodnevne akademije je ponudio inovativne i potrebne instrukcije iz oblasti ličnog poslovnog identiteta, imidža i integriteta, percepcije i motivacije, iz oblasti Vrhunske komunikacije, te iz oblasti menadžmenta i liderstva. Smatramo da smo mladima dali dobru platformu za sticanje vještina i znanja potrebnih za postizanje uspjeha u njihovom profesionalnom i ličnom životu, za povećano samopouzdanje i sposobnost suočavanja s izazovima te kako da sve te stečene vještine primjene u praktičnom životu a kako bi ostvarili svoje ciljeve i ambicije. Veliko nam je zadovoljstvo istaći da je Akademija protekla u veoma profesionalnoj atmosferi sa izraženom interakcijom učesnika. U predviđenom vremenu seminara uspješno su obrađene sve navedene teme.

Učesnici seminara su postigli veći nivo znanja za dva najznačajnija postulata u kreiranju poslovnosti, promjeni, odgovornosti i lojalnosti. Prolazeći hronološki i argumentovano kroz navedne teme, učesnici seminara su bezrezervno dobili mnogo informacija te stekli dodatno iskustvo. Nakon završetka seminara vladalo je pozitivno raspoloženje te iskazano zadovoljstvo svih učesnika“, rekao je Jasmin Hasančević direktor ICC – International Creativity Company Tuzla.

Na dvodnevnoj Akademiji učestvovali su uspješni predavači iz akademske oblasti, zatim oblasti adaptivnog i primjenljivog menadžmenta, eksperti za poslovnu komunikaciju i motivaciju, psiholozi NLP stručnjaci, te uspješni ljudi iz poslovnog društva. Predavači su bili Jasmin Hasančević ICC, Miša Pavićević EAB, Milena Torbica, Vesna Milutinović, Nataša Stanković, Sabahudin Kujović a kao specijalni gosti predavači pojavili su se Akademkinja Mirsada Hukić, Jadranka Penava predstavnica firme MEGGLE, Akademik Nedim Čaušević, prof.dr. Ismet Kalić, dr.sci. Zijad Lugavić – gradonačelnik Tuzle dok je moderator bila predstavnica studenata Lejla Majdančić. Upućena je velika zahvalnost domaćinu „WAMY I CLPU“ Sarajevo te partnerima seminara: NCMC Usora, MeggleBiH, Tehnopetrol Tuzla, Rudnik soli Tuzla, Sejari holding Sarajevo, Urban point Tuzla.



D.K.



Iz Vlade Tuzlanskog kantona...

Proaktivnija podrška poljoprivrednicima u TK

Vlada TK je izmjenama Zakona i proizvodnju uzgojem kukuruza šećerca uvrstila u novčane podrške



Kako bi se omogućilo da Vlada Tuzlanskog kantona donese Program novčanih podrški u poljoprivredi i ruralnom razvoju i prije donošenja Federalnog programa sa kriterijima raspodjele sredstava utvrđenih budžetom Federacije Bosne i Hercegovine za tekuću godinu, poštujući odredbe Zakona o novčanim podrškama u poljoprivredi i ruralnom razvoju Federacije Bosne i Hercegovine, na 7. redovnoj sjednici Vlade Tuzlanskog kantona je utvrđen i u skupštinsku proceduru upućen prijedlog Zakon o izmjenama i dopunama Zakona o novčanim podrškama u poljoprivredi i ruralnom razvoju Tuzlanskog kantona. Budući da Federalno ministarstvo poljoprivrede, šumarstva i vodoprivrede donosi Program i nekoliko mjeseci nakon usvajanja Budžeta, te da postoji potreba za donošenjem Kantonalnog Programa za određene proizvodnje odmah po donošenju Kantonalnog budžeta, Vlada se odlučila na izmjenu Zakona i stvaranje pretpostavki za proaktivnu podršku poljoprivrednim proizvođačima. S obzirom na to da se na području Tuzlanskog kantona oko 40 poljoprivrednih gazdinstva bave uzgojem kukuruza šećerca, ali da ta proizvodnja nije dovoljna te se velika količina ove žitarice uvozi iz susjednih zemalja, Vlada TK je izmjenama Zakona i ovu proizvodnju uvrstila u novčane podrške. Na tržištu svake godine imamo povećanu potražnju za ovim proizvodima kako u svježem stanju, tako i prerađeno, te je za očekivati da će poticanje ove proizvodnje doprinijeti većoj proizvodnji, a time i smanjivanju potrebe za uvozom, te povoljnijoj vanjskotrgovinskoj razmjeni.

Investicija u budućnost Tuzlanskog kantona

670.000 KM za razvoj, poduzetništvo i inovacije




Vlada Tuzlanskog kantona je na 12. redovnoj sjednici donijela Program raspodjele sredstava sa budžetske pozicije „Podrška razvoju Kantona“ za 2025. godinu, čime se u iznosu od 670.000 KM nastavlja snažan ciklus podrške privredi, inovacijama, ženskom poduzetništvu i razvojnim projektima. Program obuhvata širok spektar strateških inicijativa – od sufinansiranja međunarodnih projekata, poput Back on Track i SYSTEMEU, preko subvencioniranja kamatnih stopa za privrednike, do snažne podrške ženskom poduzetništvu i civilnom društvu. Posebna pažnja posvećena je jačanju kapaciteta lokalnih organizacija koje implementiraju EU projekte, kao i promociji privrednih potencijala kantona. Cilj ovog programa je direktno ulaganje u ljude, ideje i infrastrukturu koja donosi konkretne rezultate. Kroz partnerstva, inovacije i osnaživanje poduzetnika, cilj je pomoći u izgradnji kantona otvorenog za budućnost i održiv razvoj. Sredstva su planirana ka promociji i razvoju poduzetništva, podršci mladima i reintegraciji ranjivih kategorija, jačanju civilnog društva kroz osnivanje Centra za demokratiju, digitalnoj transformaciji privrede u okviru evropskih inovacijskih programa, te konkretnoj finansijskoj pomoći mikro, malim i srednjim preduzećima, naročito onima u vlasništvu žena. Cjelokupna realizacija programa odvijat će se transparentno putem digitalne platforme ePoticaji, a proces selekcije kandidata će uključivati jasne kriterije i detaljan nadzor utroška sredstava. Ovaj Program potvrđuje jasnu opredijeljenost Vlade Tuzlanskog kantona da i u izazovnim vremenima osnaži lokalne inicijative, afirmiše evropske vrijednosti i stvori ambijent u kojem se ideje pretvaraju u održive rezultate.



Vlada TK izdvaja sredstva za razvoj turizma

50.000 KM za sufinansiranje turistički značajnih manifestacija



Donošenjem značajne odluke kojima se definišu uslovi, kriteriji i postupci za raspodjelu budžetskih sredstava namijenjenih sufinansiranju turističkih manifestacija Vlada Tuzlanskog kantona nastavila je sa ulaganjem u sektor turizma. Za ovu namjenu predviđeno je 50.000 KM za sufinansiranje turistički značajnih manifestacija koje doprinose promociji kulturne baštine, povećanju broja turista i produženju turističke sezone. Pravo apliciranja za ova sredstva imaju će neprofitne organizacije i udruženja koja se bave turizmom, kao i lokalne turističke zajednice, s projektima koji će biti realizovani isključivo na području TK. Iznosi podrške kreću se od 2.000 do 7.000 KM, uz obavezno vlastito učešće od najmanje 30%. Manifestacije će se vrednovati prema jasnim kriterijima: broj posjetilaca, medijska pokrivenost, broj stranih gostiju, partnerstva i sponzori, te doprinos promociji turističkog imidža kantona. U cilju transparentnosti i odgovornog trošenja budžetskih sredstava predviđen je i sistem kontrole, izvještavanja i transparentnog odabira korisnika putem javnih poziva. Sufinansirani projekti i manifestacije moraju biti u potpunosti realizovani tokom 2025. godine. Vlada Tuzlanskog kantona ovim odlukama potvrđuje opredjeljenje za strateški i održiv razvoj turizma kao jednog od ključnih faktora regionalnog ekonomskog rasta. Detalji javnog poziva, kao i potrebna dokumentacija, biće objavljeni na službenim web stranicama Ministarstva i Vlade TK.

Nacrt Prostornog plana TK 2025–2045

Fokus na unapređenje saobraćajne i energetske infrastrukture



Vlada je na 11. redovnoj sjednici utvrdila Nacrt Prostornog plana Tuzlanskog kantona za period 2025–2045. godine. Imajući u vidu da se radi o dokumentu koji je u formi nacrt, predviđena je i javna rasprava o njegovom sadržaju, tako da će on do svoje finalne verzije pretrpjeti i određene izmjene, dopune i promjene a u skladu sa potrebama različitih sektora u Tuzlanskom kantonu. Prostorni plan inače predstavlja strateški dokument jer određuje pravce uređenja prostora, razvoja saobraćaja, zaštite okoliša, korištenja prirodnih resursa, te unapređenja uslova života za sve građane, a njime se usmjerava dugoročni prostorni, infrastrukturni i ekonomski razvoj kantona. Posmatrajući Nacrt, može se zaključiti da je poseban akcenat u Planu dat razvoju saobraćaja i saobraćajnih komunikacija, s ciljem jačanja povezanosti unutar kantona, ali i s drugim regijama u Bosni i Hercegovini i šire. Predviđeno je stvaranje preduslova za modernizaciju postojećih i izgradnju novih dionica brzih cesta i magistralnih puteva, uključujući povezivanje s koridorom Vc, kao i stvaranje uslova za izgradnju autoputa Orašje – Tuzla – Žepče, što bi značajno doprinijelo smanjenju saobraćajne izoliranosti Tuzlanskog kantona. Također, prepoznata je potreba za jačanjem intermodalnog saobraćaja, uključujući pretpretnice terminale koji bi unaprijedili efikasnost teretnog prevoza.

U oblasti energetske infrastrukture, Nacrt Plana predviđa izgradnju novih dalekovoda i jačanje postojećih elektroenergetskih kapaciteta radi osiguranja stabilnog i pouzdanog napajanja električnom energijom. Posebno značajna komponenta jeste planirana izgradnja gasovoda koji bi omogućio priključenje Tuzlanskog kantona na gasni sistem Bosne i Hercegovine, čime bi se osigurala dugoročna energetska sigurnost, povećala konkurentnost privrede i omogućio prelazak na ekološki prihvatljivije izvore energije. Ovim Tuzlanski kanton već poduzima i konkretne korake u skladu sa dogovorom koji je postignut sa Federalnim institucijama nadležnim za ovu oblast. Ipak značajnije i detaljnije planiranje zahtijeva završetak studijskih dokumenata za tri kantona, među kojima i za Tuzlanski, koji su u fazi izrade.

Pozivamo sve zainteresirane građane, predstavnike lokalnih zajednica, institucija, stručne i naučne zajednice da uzmu aktivno učešće u javnoj raspravi i doprinesu kvaliteti konačnog dokumenta koji će oblikovati razvoj prostora Tuzlanskog kantona u narednih 20 godina. U drugoj fazi Ministarstvo prostornog uređenja i zaštite okoliša će, nakon javne rasprave i analize izvještaja o provedenoj javnoj raspravi, zajedno sa nosiocem izrade, pripremiti Prijedlog Prostornog plana, te ga, sa izvještajem o provedenoj javnoj raspravi, uputiti Skupštini Kantona na usvajanje.



Projekat vrijedan 19,8 miliona KM...

Tuzla dobija moderniziran sistem grijanja

Korisnik sredstava je Centralno grijanje d.d. Tuzla - Projekt je u skladu sa Strategijom razvoja Federacije BiH 2021-2027. godina



Vlada Federacije BiH je na prijedlog Federalnog ministarstva energije, rudarstva i industrije donijela Odluku kojom se usvaja Program utroška sredstava utvrđenih Budžetom Federacije BiH za 2025. godinu ovom ministarstvu, u okviru Kapitalnih transfera javnim preduzećima, za realizaciju Projekta rekonstrukcije magistralnog vrelovoda - Grad Tuzla, u iznosu od 5.000.000 KM. Korisnik sredstava po ovom programu je Centralno grijanje d.d. Tuzla. Sredstva su namijenjena za rekonstrukciju prvog dijela druge faze magistralnog vrelovoda, koja obuhvata dionicu između ograde TE Tuzla i komore Siporeks, odnosno za nabavku mašinskih, građevinskih i elektro radova. Obrazloženo je da je ukupna vrijednost ovog projekta procijenjena na 19.868.054 KM, a potpunom realizacijom rekonstrukcije ovog vrelovoda stvaraju se preduslovi za priključenje na sistem daljinskog grijanja novih 14.000 stanovnika, odnosno 3.500 domaćinstava, te se omogućava izgradnja novih stambeno poslovnih objekata, produžuje vijek trajanja sistema daljinskog grijanja i u konačnici smanjuju gubici energije u transportu. Projekt je u skladu sa Strategijom razvoja Federacije BiH 2021-2027. godina, a s obzirom na to da se radi o velikoj investiciji, rekonstrukcija ovog magistralnog vrelovoda u dužini od oko 1.800 metara podijeljena je u dvije faze. S ciljem realizacije prve faze, Vlada Federacije BiH prošle godine je donijela Odluku o usvajanju Programa utroška sredstava utvrđenih Budžetom FBiH za 2024. godinu za realizaciju Projekta rekonstrukcije magistralnog vrelovoda - Grad Tuzla u iznosu od deset miliona KM. Kako bi se počelo i sa realizacijom druge faze koja se odnosi na izvođenje radova na mašinskoj montaži predizoliranog cjevovoda, te građevinskih radova (demontaža postojećeg cjevovoda, montaža betonskih čvrstih tačaka, oblaganje cijevi pijeskom i zatrpavanje rova), kao i elektro radove (spajanje signalnih vodiča), Vlada FBiH se opredijelila da i u ovogodišnjem federalnom budžetu predvidi sredstva u iznosu od 5.000.000 KM.



U Programu se navodi da bi se izgradnjom i rekonstrukcijom magistralnog vrelovoda ostvario funkcionalni cilj povećanja zapremine ukupnog sistema daljinskog grijanja Grada Tuzla, kojim bi se omogućilo širenje mreže daljinskog grijanja na naselja koja trenutno nisu spojena na sistem (Hudeč, Moluhe i drugih). Dodatno bi se omogućio rad pumpi mrežne vode sa značajno nižim pritiscima čime bi se direktno smanjila potrošnja električne energije. Istaknuto je i da se realizacijom ovog projekta smanjuje aerozagađenje u Tuzli, te povećava energetska efikasnost sistema daljinskog grijanja.

akta.ba



Agencijske vijesti...

Potrošačka korpa za april 3.168,90 KM

Pokrivenost Sindikalne potrošačke korpe prosječnom plaćom je 48,12 posto, a pokrivenost minimalnom plaćom je 31,56 posto



Sindikalna potrošačka korpa koju je Savez samostalnih sindikata Bosne i Hercegovine izračunao za april 2025. iznosi 3.168,90 KM. Iz SSSBiH navode da je prosječna plaća isplaćena u Federaciji BiH za februar 2025. iznosila 1.525 KM (posljednji podatak objavljen od strane Federalnog zavoda za statistiku), dok minimalna plaća prema odluci Vlade FBiH iznosi 1.000 KM.

Pokrivenost Sindikalne potrošačke korpe prosječnom plaćom je 48,12 posto, a pokrivenost minimalnom plaćom je 31,56 posto. Sindikalna potrošačka korpa za mart iznosi 3.166,30 KM. Prilikom izrade Sindikalne potrošačke korpe u obzir je uzeta prosječna plaća isplaćena u Federaciji BiH, te minimalni troškovi života četveročlane porodice koju čine dvije odrasle osobe i dva djeteta, od kojih je jedno u srednješkolskom, a drugo u uzrastu osnovca. Samu potrošačku korpu čine: prehrana – 44,85 posto, stanovanje i komunalne usluge – 13,65 posto, higijena i održavanje zdravlja – 9,38 posto, obrazovanje i kultura – 10,10 posto, odjeća i obuća – 11,36 posto, prijevoz – 4,35 posto, te održavanje domaćinstva – 6,31 posto.

U kategoriji prehrana korištene su cijene iz tri trgovačka centra za 86 artikala. Kada je riječ o higijeni i održavanju zdravlja ubrojani su troškovi za 10 stavki, a za stanovanje i komunalne usluge troškovi za šest stavki, saopćeno je iz SSSBiH.

Prosječna neto plaća u FBiH u martu 1.565 KM

Bruto plaća 2.444 KM



Prosječna mjesečna isplaćena neto plaća po zaposlenom za mart 2025. godine u Federaciji BiH iznosila je 1.565 KM i nominalno je viša za 2,6 posto, a realno za 2,8 posto u odnosu na prethodni mjesec. U odnosu na isti mjesec prethodne godine prosječna neto plaća za mart 2025. nominalno je viša za 17,2 posto, a realno viša za 13,8 posto. U martu 2025. u odnosu na februar 2025. došlo je do povećanja prosječne mjesečne isplaćene neto plaće u svim djelatnostima. Najveće povećanje prosječne mjesečne isplaćene neto plaće zabilježeno je u djelatnostima: Finansijske djelatnosti i djelatnosti osiguranja za 7,2 posto, Proizvodnja i snabdijevanje električnom energijom, plinom, parom i klimatizacija za 4,8 posto i Stručne, naučne i tehničke djelatnosti za 4,4 posto, pokazuju podaci Federalnog zavoda za statistiku. Prosječna mjesečna isplaćena bruto plaća za mart 2025. godine u Federaciji BiH iznosila je 2.444 KM i nominalno je viša za 2,7 posto, a realno za 2,9 posto u odnosu na prethodni mjesec. U odnosu na isti mjesec prethodne godine, prosječna mjesečna isplaćena bruto plaća po zaposlenom za mart 2025. godine nominalno je viša za 17,6 posto, a realno viša za 14,2 posto.

U martu 2025. ukupan broj zaposlenih u Federaciji BiH je bio 543.165. U odnosu na prethodni mjesec broj zaposlenih je smanjen za 0,4 posto a broj zaposlenih žena je smanjen za 0,5 posto.

D.K.



Agencijske vijesti...

Smanjenje doprinosa od 1. jula

Hoće li radnicima plata ostati ista?



Navedena zakonska izmjena ne podrazumijeva automatsko povećanje neto plaća radnika. Stupanjem na snagu Zakona o izmjenama i dopunama Zakona o doprinosima Federacije BiH, objavljenog u Službenim novinama FBiH broj 33/25 od 7. maja 2025. godine, došlo je do fiskalnog rasterećenja za poslodavce. Jedna od ključnih novina odnosi se na smanjenje zbirne stope doprinosa na teret poslodavca sa 10,5 posto na ukupno 5 posto čime se doprinosi smanjuju za 5,5 posto. Akta.ba je ranije prikazala koliki će biti efekti smanjenja doprinosa. Na minimalnu neto platu od 1.000 KM, iznos doprinosa se smanjuje sa 648,23 KM na 562,32 KM, što predstavlja razliku od 85,91 KM po radniku. Kako pojašnjava Denis Zukić, izvršni direktor u Konsultantskoj kući FEB d.d., navedena zakonska izmjena ne podrazumijeva automatsko povećanje neto plaća radnika, javlja Akta.ba. "Odgovor na pitanje da li će zbog izmjena radnicima automatski porasti plaća je vrlo jasan – po sili zakona neće. Ovim zakonom se isključivo smanjuje iznos doprinosa koji poslodavac uplaćuje iz svog troška, dakle iznad bruto plaće radnika. Drugim riječima, to je olakšanje za poslodavce, ne promjena u korist radnika u smislu neto zarade", ističe Zukić. Dodaje da se uštede ostvarene po osnovu smanjenih doprinosa mogu odraziti na povećanje plaća, ali isključivo ako to poslodavac odluči. "Zakonska obaveza ne postoji, pa ostaje na dobroj volji poslodavca da eventualnu uštedu preusmjeri na zaposlenike", navodi on. Podsjećamo, novi zakon primjenjivat će se od 1. jula 2025. godine, a osim smanjenja stopa doprinosa, uvodi i nova pravila za obračun doprinosa radnicima koji su zaposleni na nepuno radno vrijeme, čime se dodatno uređuje sistem doprinosa u Federaciji BiH.

Novčano kažnjavanje za kršenje zabrane pušenja

Objekti koji ispod 50 m² mogu biti isključivo pušački ili nepušački



U junu 2024. godine na snagu su stupile odredbe Zakona o kontroli i ograničenoj upotrebi duhana, duhanskih i ostalih proizvoda za pušenje FBiH, kao i Pravilnik o uslovima za posebne prostore za pušenje u smislu izuzetaka od zabrane pušenja. To znači da će se od 13. juna 2025. godine, onima koji se ne budu pridržavali odredbi, početi naplaćivati kazne. Iz KUIP-a napominju da objekti koji svojom površinom uslužnog prostora ne prelaze 50 m² mogu biti isključivo pušački ili nepušački, pod uslovom da se u istima uslužuje samo piće, kao i da vlasnici moraju ispuniti određene uvjete propisane pravilnikom. Vlasnici objekata površine iznad 50 m², moraju uspostaviti poseban prostor za pušenje koji ne smije biti manji od 10 m², niti zauzimati više od 20 posto ukupne površine uslužnog prostora. Prostorije moraju biti tehnički opremljene prema strogim standardima, uključujući ventilaciju i izolaciju kako bi se spriječilo prodiranje duhanskog dima u ostatak prostora, navode iz KUIP-a.

D.K.



Led display na zgradi Komore...

NOVA USLUGA ČLANICAMA I FIRMAMA U TK



Poštovani, Led digitalno oglašavanje, u poređenju s tradicionalnim medijima oglašavanja, poput billboarda, čijeg se sadržaja jedva sjeti manji od 40 posto gledatelja, u zadnje vrijeme ima velike prednosti. Osim mogućnosti višestrukog reklamiranja jednog oglašivača na istom mediju, dokazano je da su pokretne reklamne poruke daleko više privlačnije nego statične reklame. Obavještavamo vas da je Kantonalna privredna komora Tuzla u prilici ponuditi vam oglašavanje na našem led displayu po povoljnim uslovima.



**POSTANITE PARTNER
KANTONALNE PRIVREDNE KOMORE TUZLA!!!**

**OGLASITE SE NA NAŠEM
LED DISPLAY PROSTORU!!!**

**ISKORISTITI IZUZETNO POVOLJNE GODIŠNJE I
ŠESTOMJESEČNE PONUDE!!!**

**POSEBNE POGODNOSTI ZA FIRME ČLANICE
KOMORE!!!**

**Kantonalna privredna komora Tuzla
tel: 035/369-550
mail: komora@kpktz.ba**

POSJETITE NAS! DOĐITE DA SE DOGOVORIMO!!!

Iznajmljivanje kancelarijskog prostora u Komori

Kantonalna privredna komora Tuzla objavljuje izdavanje kancelarijskog prostora. Riječ je o tri kancelarije površine po 14 metara kvadratnih, na drugom spratu zgrade Komore, Trg slobode bb. Više informacija u Komori ili na telefon sa broja: 035/369-550 ili putem maila komora@kpktz.ba.

RUKOVAALAG MAŠINAMA ZA OBRADU METALA

BUDUĆNOST JE U TVOJIM RUKAMA

Uči uz mentore u realnom radnom
okruženju!

Stekni konkretna znanja i vještine!

Budi spreman za posao odmah nakon
školovanja!

NOVO ZANIMANJE
Pokrenuto na zahtjev privrede, dostupno je za upis u četiri
srednje škole na području Tuzlanskog kantona.



Ovaj materijal kreiran je u okviru SENEP programa koji sufinansiraju Vlada SR Njemačke, Evropska unija (EU) i Vlada Švicarske. Sadržaj materijala je isključivo odgovornost Kantonalne privredne komore Tuzla i ne odražava nužno stanovišta BMZ, EU i Vlade Švicarske.